



Na osnovu čl. 9. i 25. Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 9/96, 27/98, 20/00, 45/00, 58/02, 13/03, 19/03, 47/06, 59/06, 48/08, 34/12 i 77/12) i člana 18. Statuta Agencije za bankarstvo Federacije BiH ("Službene novine Federacije BiH", broj: 42/04), Upravni odbor Agencije za bankarstvo Federacije Bosne i Hercegovine na 56. sjednici održanoj dana 18.03.2014. godine, donosi

O D L U K U
O IZMJENAMA I DOPUNAMA ODLUKE O MINIMALNIM STANDARDIMA ZA
DOKUMENTOVANJE KREDITNIH AKTIVNOSTI BANAKA

Član 1.

U Odluci o minimalnim standardima za dokumentovanje kreditnih aktivnosti banaka („Službene novine Federacije BiH“, broj: 3/03) mijenja se član 3., tač. 2. i glasi:

„2. Ovjerenu kopiju izvoda iz registra pravnih subjekata podnosilaca zahtjeva, ukoliko je riječ o pravnom licu;“

Iza tačke 2. dodaju se nove tačke 3 i 4 i glase:

“3. Ovjerenu kopiju identifikacionog dokumenta i potvrdu o mjestu boravka (lična karta ili pasoš, potvrda o prebivalištu i sl.) podnosilaca zahtjeva, ukoliko je riječ o fizičkom licu;

4. Ovjerenu kopiju Rješenja nadležnog organa uprave podnosilaca zahtjeva, ukoliko je riječ o licu koje obavlja samostalnu djelatnost;“

Dosadašnje tačke 3.-17. postaju tačke 5.-19.

U dosadašnjoj tački 4. dodaju se na kraju rečenice riječi: “koji sadrži otplatni plan;“

U dosadašnjoj tački 15. dodaju se na kraju rečenice riječi: “te druga dokumentacija relevantna za praćenje procesa naplate kredita, odnosno blagovremeno identifikovanje pogoršanja kvaliteta kredita ili povećanih rizika;“

Dodaje se novi stav (2) i glasi:

“Kreditni dosje mora sadržati sve dokumente navedene u stavu (1) ovog člana i za sudužnika, ukoliko se on pojavljuje u kreditnom odnosu”.

Član 2.

Mijenja se član 7. i glasi:

„Za garancije, nostro akreditive i druge oblike jemstva i sve druge rizične potencijalne obaveze koje je izdala ili preuzela, banka je dužna da otvori kreditni dosje sve do potpunog izvršenja obaveze od strane lica za koje ja banka izdala garanciju, nostro akreditive ili drugi oblik jemstva ili pružila rizičnu potencijalnu obavezu.“

Član 3.

Ova Odluka stupa na snagu narednog dana od dana objavljivanja u „Službenim novinama Federacije BiH“.

Broj: U.O.- 56-5/14
Sarajevo, 18.03.2014. godine

PREDSJEDNICA
UPRAVNOG ODBORA

Rajka Topčić, dipl. ecc., s.r.